



Broj: 28-01-30-03-12-1/26
Sarajevo, 24.07.2026. godine

Na osnovu člana 15. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), direktorica Kantonalnog zavoda za pružanje besplatne pravne pomoći Kantona Sarajevo, donosi

RJEŠENJE

namješteniku u Kantonalnom zavodu za pružanje besplatne pravne pomoći Kantona Sarajevo, raspoređenom na radno mjesto Viši referent za operativno-tehničke poslove i pomoćne poslove, osnovna plaća radnog na kojem je raspoređen uvećava se za procenat 20%, zbog privremenog obavljanja poslova radnog mjesta Viši referent za administrativno – pravne poslove, za period od 01.07. do 17.07.2026. godine.

Obrazloženje

Zaposlenik Kantonalnog zavoda za pružanje besplatne pravne pomoći Kantona Sarajevo, namještenik, raspoređen na radno mjesto Višeg referenta za operativno-tehničke i pomoćne poslove, zbog korištenja godišnjeg odmora izvršioca u mjesecu julu 2026. godine, pored poslova radnog mjesta na koje je raspoređen, privremeno je obavljao i poslove Višeg referenta za administrativno – pravne poslove, sa opisom poslova: vrši prijem korisnika besplatne pravne pomoći i istim pruža pomoć u popunjavanju zahtjeva i drugih obrazaca za ostvarivanje prava na besplatnu pravnu pomoć; daje informacije strankama o potrebnoj dokumentaciji uz zahtjev za ostvarivanje prava na besplatnu pravnu pomoć u skladu sa zakonom; zaprima podneske stranaka za predmete koji su evidentirani u upisnicima i potvrđuje prijem podneska; vodi sve upisnike, imenike i centralni ročišnik, shodno Pravilniku o obrascima, načinu vođenja i sadržaju evidencija o pruženoj pravnoj pomoći koji je donijet u skladu sa odredbom člana 48. Zakona o pružanju besplatne pravne pomoći; vodi evidenciju i kretanje tih predmeta u elektronskoj formi; vodi evidencije statistike i analitike za izvještaje Zavoda i za različite analize i s tim u vezi informacije; vrši evidentiranje kretanja svih predmeta u Zavodu i njihovu blagovremenu obradu; predmete koji su evidentirani u upisnicima o pružanju besplatne pravne pomoći zavodi u dostavne knjige i dostavlja ih direktoru, pomoćnicima direktora i stručnim savjetnicima-pravnim zastupnicima i prima iste od njih na postupanje u skladu sa datom naredbom u spisu predmeta; razvodi predmete kroz upisnik i priprema spise za sve faze postupka, a po okončanju postupka pravosnažno riješene predmete na osnovu pismene naredbe direktora, pomoćnika direktora ili stručnog savjetnika-pravnog zastupnika odlaže predmete u arhivu; obavlja poslove unošenja i obrade podataka u računar i umnožava materijale; zaposlenik je dužan da učestvuje u organizaciji posla na način da zamjenjuje privremeno odsutnog namještenika u cilju

obezbjedenja funkcija iz djelokruga rada izvan organizacione jedinice; obavlja i druge poslove iz nadležnosti Zavoda, po nalogu direktora, odnosno pomoćnika direktora kojeg ovlasti direktor Zavoda i njima odgovara za svoj rad.

Odredbama člana 60. stav (3) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), propisano je da će rukovodilac organa državne službe donijeti rješenje kojim se osnovna plaća državnog službenika ili namještenika uvećava za procenat do 20% za period u kojem, pored poslova svog radnog mjesta, privremeno obavlja poslove drugog radnog mjesta, pod uslovom da ispunjava propisane uslove za obavljanje poslova tog radnog mjesta čije poslove obavlja, dok je stavom (5) propisano da rješenje iz st. (3) i (4) ovog člana mora sadržavati opis poslova koji se privremeno obavljaju, procenat uvećanja osnovne plaće i period za koji se uvećanje odobrava. Stavom (6) istog člana propisano je da kada državni službenik ili namještenik obavlja poslove drugog radnog mjesta, da se rješenje donosi za svaki mjesec pojedinačno.

Shodno navedenom, u skladu sa odredbama člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), a u vezi sa Odlukom Komisije za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo, broj 03-03-03-250006-1/26 od 26.05.2026. godine, odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od dana prijema rješenja, koja ne odlaže izvršenje rješenja.



DIREKTORICA

Emina Herdić, dipl. pravica

Dostaviti:

1. Imenovanom, —
2. Odjeljenju za COP, —
3. U personalni dosije, —
4. Arhivi

11-08-2026

24.07.2026